

तीतसयात पावलं च्वःगु पौ

म्हसीका

तीतस यहूदी मखुम्ह ल्याय्म्हम्ह विश्वासी खः। लिपा व पावलयात वयागु ज्याय् ग्वाहालि याइम्ह जुल। पावलं वयात क्रेटय् च्वंगु मण्डलीयागु ज्या स्वयेत अन त्वःता थकूगु खः। पावलं थ्व पतिइ स्वता मूर्खं न्ह्यथनातःगु दु।

न्हापां ला, तीतसयात मण्डलीया थकालिपिनिगु चालचलन गथे जुइमाः धकाः ध्वाथुइकातःगु दु। अनंलि मण्डलीया थी थी मनूत गथे बुहा, बुहि, ल्याय्म्ह, ल्यासे व दासतय्त गुकथं स्यनेकने यायेमाः धकाः धयातःगु दु। दकसिबय् लिपा पावलं तीतसयात विश्वासीतय्गु चालचलनया बारे ध्वाथुइकातःगु दु, गथे थःथवय् मिलय् जुयाः दया माया याना च्वनेगु, हेबाय्चबाय् मयायेगु, जवाःसवाः याना मजुइगु, व मण्डलीइ पुचः पुचः बायाः मजुइगु।

धलः पौ

न्ह्यखँ	१:१-४
मण्डलीया थकालि	१:५-१६
मण्डलीया थी थी विश्वासीतय्गु ज्या	२:१-१५
अर्ती व ख्याच्वः	३:१-११
क्वचाय्कूगु	३:१२-१५

तीतस

पावलपाखें ज्वजलपा

१ परमेश्वरया दास, येशू ख्रीष्ट-
 याम्ह प्रेरित जि पावलं चवया-
 चवनागु दु। जिगु ज्या हे परमेश्वरं
 ल्यया तःपिनिगु विश्वास क्वात्तुका
 बीगु व सत्य खँयात थुइका बियाः
 परमेश्वरयात यःथें याये सय्का बीगु
 खः। २ गुबलें मखुगु खँ ल्हाना मदीम्ह
 परमेश्वरं न्हापानिसें हे भीत अनन्त
 जीवन बियादी धकाः धयादीगु खः।
 ३ भीत मुक्ति बियादीम्ह परमेश्वरं हे
 जितः न्यंके बियाः पाय्छि इलय्
 फुक्कसितं वय्कःयागु भिंगु खँ सीके
 बियादिल।

४ तीतस, भीगु विश्वासं यानाः छन्त
 जिं थः हे काय् थें यानातयागु दु। भी
 परमेश्वर बाः व भीत मुक्ति बियादीम्ह
 ख्रीष्ट येशू छन्त दया माया व शान्ति
 बियादीमा।*

५ आम्कन ल्यंदनिगु ज्या पूर्वकेत
 व शहर पतिकं मण्डलीइ थकालिपिं

ल्ययेत जिं छन्त क्रेटय् हे त्वःता
 थकागु खः। ६ थकालि जुइम्ह मनू
 दोष मदुम्ह, छम्ह हे जक मिसा लिसे
 ब्याहा याःम्ह जुइ माः, हानं वया मस्त
 नं विश्वासीत व यःयःथें सना मजुइपिं
 जुइ माः। ७ थकालि परमेश्वरया ज्या
 याइम्ह मनू खः। उकिं थकालि छुं हे
 दोष मदुम्ह जुइ माः। अले हानं थः
 यःथें याना जुइम्ह, याकनं तं म्वइम्ह,
 अय्लाः थ्वं त्वना जुइम्ह, ल्वाना
 जुइम्ह, लोभीम्ह नं जुइ मज्यू।

८ पाहांयात दुनुगलंनिसें दुकाइम्ह,
 भिंगु खँ यय्किम्ह, मन तयाः ज्या
 याइम्ह, रूवाः स्वयाः ज्या मयाइम्ह,
 परमेश्वरयात यय्क जुइम्ह, थःत
 कःघाये फुम्ह जुइ माः। ९ अले थःम्हं
 स्यनाकयातःगु भिंगु खँयात क्वात्तुक
 ज्वनातइम्ह व जिमिसं स्यना थें
 मेपिन्त नं भिंगु स्यनेकने यानाः साहस
 बीम्ह जुइ माः। अले हानं थ्व भिंगु
 खँयात मभिकाः जुइपिन्त नं इमिगु
 द्वंबिद्वं क्यना बीफुम्ह जुइ माः।*

मखुगु खँ स्यनिपिन्त ख्याचवः

१० छायाःसा अप्वः धयाथें मनूत धयागु खँ मन्यनीपिं, म्वाः मदुगु खँ लहाना जुइपिं, मखुगु खँ लहाना जुइपिं दु। थज्याःपिं अप्वः यानाः ला यहूदी विश्वासीत हे खः। ११ थुमिगु म्हुतु प्वाः तिना बी माः। धिबायागु निितिं थुमिसं स्यने मज्यूगु खँ स्यनाः छें स्यंकाचवंगु दु। १२ इमि हे छम्ह अगमवक्तां थथे धया थकूगु दु — “क्रेटय् च्वंपिं मनूत फुककं मखुगु खँ लहाइपिं, ग्यानापुपिं पशुत व ज्या मयासे न जक नइपिं खः।” १३ थ्व खँ धात्थें खः। अय्जूगुलिं इमित तसकं ब्वः ब्यु, अले जक इपिं विश्वासय् बल्लाना चवनी। १४ अले इमिसं यहूदीतय्गु पुलां पुलांगु बाखं व सत्ययागु लं लिचिकीगु खँय् न्हाय्पं तकं बी मखु।

१५ शुद्धपिन्त ला फुककं शुद्ध हे जुइ। मभिंपिन्त व विश्वास मयाइपिन्त धाःसा छुं नं शुद्ध जुइ मखु, छायाःसा इमिगु मन व बिचाः हे शुद्ध मजू। १६ इमिसं परमेश्वरयात म्हस्यू धकाः धया जुइ, इमिगु ज्यां धाःसा इमिसं परमेश्वरयात म्हमस्यू धकाः क्यनी। इपिं घच्चायापुपिं, धयागु खँ मन्यनीपिं व छुं नं भिंगु ज्या यायेत मल्वःपिं खः।

ख्रीष्टियन जीवन गुकथं हनेगु

२ १ न्ह्यागु जूसां छं भिंगु खँ नाप ज्वःलाःगु जक स्यनेगु याना च्वँ। २ बुह्रातय्सं थातं चवनेगु, हनेबहः जुइक सना जुइगु, थःत कःघाना चवनेगु, विश्वास याना चवनेगु, माया यायेगु व न्ह्यागु खँय् नं सह याना चवनेगु याये माः धकाः स्यनेकने या।

३ अथे हे बुहितय्त नं परमेश्वरयात मानय् याना च्वँ, मेपिन्त मभिकाः खँ लहाना जुइ मते, अय्लाः थ्वं त्वना जुइ मते, बरु दुग्यंगु खँ स्यनेकने या धकाः स्यना ब्यु। ४ अथे जूसा इमिसं ल्यासेपिं मिसातय्त थः मस्तय्त व भाःतयात माया यायेगु खँ स्यने फइ। ५ अले इमिसं इमित थःत कःघाना चवनेगु, पवित्र जुया चवनेगु, छें बांलाक कःघाना चवनेगु, दया यायेगु व भाःतं धाःथें चवनेगु खँ स्यनेकने याइ। थथे जूसा सुनानं परमेश्वरयागु वचनयात क्वहंकाः खँ ल्हाये फइ मखु।

६ अथे हे ल्याय्म्हपिं मिजंतय्त नं थःत कःघाना च्वँ धकाः स्यनेकने या। ७ छं थःम्हं हे भिंगु ज्या यानाः इमिगु न्ह्याःने नमुना जुयाः कयँ। स्यनेकने यायेबलय् खःगु, दुग्यंगु व ८ सुनानं छुं धाये मफ्युक नवा। अथेजूसा

विरोधीतयूसं नं छुं धाये मफयाः थः हे लज्या चाये माली।

६दासतयूत नं मालिकं धाःथें यानाः इमित न्ह्यागु खँय् नं लयूतायूका च्वँ, अले जवाःसवाः याना जुइ मते धकाः स्यनेकने या। १०अले उखँथुखँ खुया कायेगु मयासे भिंम्ह व विश्वास याये बहःम्ह जुयाः न्ह्यागु खँय् नं भीत मुक्ति बियादीम्ह परमेश्वरयागु वचन-यात तःधंके फये मा।

ख्रीष्टियन जीवनया जग

११परमेश्वरं फुक्कसितं मुक्ति बीत दया माया यानादीगु खः। थ्व हे खँ फुक्कसितं सीके ब्यूगु दु। १२थ्व हे दया मायां भीत पापं व संसारयागु ज्याखं लिचिकी, अले थःत कःघानाः धर्मी व परमेश्वरयात मानय् याइपिं जुयाः थ्व संसारय् म्वाना च्वने फइ। १३भीत मुक्ति बियादीम्ह, भीम्ह तःधंम्ह परमेश्वर येशू ख्रीष्ट हानं भाइ तिनि। भीपिं थ्व हे तःधंगु आशायागु लँ स्वया च्वने। १४भीत भीगु पापं छुतय् यायेत वयूकः थः हे सिनादिल। थुकथं वयूकलं भीत थः मनु यानाः पवित्र यानादिल, अले भिंगु ज्या यायेत साहस बियादिल।*

१५छं थ्व फुक्कं न्यंका ब्यु। ब्वः बी माःसां साहस बी माःसां छं स्वयाः या। अले छन्त सुनानं हेपय् याये फइ मखु।

न्ह्यागु ज्या यायेत नं न्ह्यचिलिगु

३ १सरकार व हाकिमतयूसं धाःथें च्वनाः इमिसं धाःगु खँ न्यने माः धकाः विश्वासीतयूत थुइका ब्यु। भिंगु न्ह्यागु ज्याय् नं न्ह्यच्यु। २सुयातं मभिंकाः खँ ल्हाये मते, सुं नाप ल्वाना जुइ मते, अले फुक्क नाप क्वमिलु जुयाः मिलय् जुया च्वँ धकाः इमित थुइका ब्यु।

३भीपिं नं छकः ला छुं मस्यूपिं, अतेरिपिं, लँ द्वंका च्वनापिं, मभिंगु मतिइ तया जुइपिं, मोजमज्जा जक याइपिं, नुगः मुइका जुइपिं व थःथवय् मययूका जुइपिं जुइ धुन।

४अयूनं भीत मुक्ति बियादीम्ह परमेश्वरं मनूतयूत दया माया क्यना-दीगुलिं ५वयूकलं भीत मुक्ति बियादिल। भीसं भिंगु भिंगु जक ज्या यानागुलिं भीत मुक्ति बियादीगु मखु, बरु वयूकलं दया यानाः भीत भीगु पाप सिलाः न्हूपिं यानाः व पवित्र आत्मायागु शक्तिं मुक्ति बियादीगु खः। ६येशू ख्रीष्टं यानाः परमेश्वरं

भीत पवित्र आत्मां जाय्कादिल।
 ७ वय्कलं दया माया यानादीगुलिं
 भीपिं परमेश्वरया न्ह्यःने धर्मी ठहरय्
 जुइ फत, अले भीसं आशा यानागु
 अनन्त जीवन नं काये दत। ८ थ्व
 खँ धात्थें खः। थ्व खँय् छं अप्वः
 मन बियाः स्यँ। थथे यात धाःसा
 परमेश्वरयात विश्वास याःपिन्सं भिंगु
 भिंगु ज्या यायेत कुतः याइ। थ्व
 फुकक मनूतय्त ज्यालगय् जूगु भिंगु
 खँ खः।

९ म्वाः मदुगु खँय् हाः जुइ मते,
 तापाः बाज्यापिनिगु नां कयाः फुइँ याना
 जुइ मते, व्यवस्थायागु खँय् ल्वाः जुइ
 मते, छायाःसा अथे यानाः छुं भिनि
 मखु, अले बांलाइ नं मखु। १० मनूतय्त
 ल्वाका जुइपिन्त छकः निकः न्वाना
 नं मजिल धाःसा व नाप जुइ मते।
 ११ अज्याःम्ह मनू मभिंम्ह धकाः ला
 छं सि हे स्यू। वं याना जूगु ज्यां हे व
 पापी खः धकाः धाइ।

पावलया लिपांगु सल्लाह व ज्वजलपा

१२ जिं अर्तिमासयात जूसां तुखिकस-
 यात जूसां छन्थाय् छ्वया हये। इपिं
 थ्यनेवं छं निकोपोलिसय् जितः नाप
 लाः वयेगु कुतः या, छायाःसा जिं
 चिकुला ज्वःछि अन हे च्वनेगु मतिइ
 तयागु दु।* १३ जेनास धाःम्ह वकील
 व अपोल्लोसयात छं फक्व ग्वाहालि
 बियाः याकनं छ्वया हिँ। इमित छुं
 मगाः मजुइमा।* १४ भी मनुतय्सं
 मालीबलय् माःकथं भिंगु ज्या याये
 सय्के माः। ई अथें सिंतिं छ्वये मज्यू।
 १५ जि नाप दुपिं फुककसिनं छन्त
 ज्वजलपा धया हःगु दु। जिमित माया
 याइपिं आम्कन च्वपिं विश्वासीतय्त नं
 जिमिसं ज्वजलपा धया हःगु दु धकाः
 धया ब्यु।

परमेश्वरं छिपिं फुककसितं दया माया
 यानादीमा।